



ज्वजलपा वाःपौ

JWOJALAPA WEEKLY

दैं ७ ल्याः २४ (पूर्णडक १२६) ने. सं. ११३७ पोहेलागा दशमी आइतवाः २०७३ माघ ०९ गते आइतवार (Jan- 22, 2017)

मू द १- पृष्ठ ६

अन्ततः नयाँ शक्ति व संघीय गठबन्धनया दथुइ कार्यगत एकता जुइगु प्रदेशानिसें समानुपातिक समावेसीया खँय् समान धारणा

ज्वजलपा वा:पौ /

प्रमुख राजनीतिक दल नेपाली कांग्रेस, एमाले व नेकपा माओवादी केन्द्रया पहलं संविधानसभापाखें जारी जूगु संविधान कथं हे चुनाव याना त्याका आदिवासी जनजाति, मधेसीनिसें उत्पीडित समुदायया माग सम्बोधन यायेगु लाइन ज्वना नीस्वंगु डा. बाबुराम भट्टराईया नेतृत्वया नयाँ शक्ति नेपाल ई कथं ल्वयेक आःया अवस्थाय् संविधान संशोधनपाखें माग न्हापां सम्बोधन यायेमाः धकाः बिचार हिलेवं अन्तत आन्दोलन याना वयाच्चंगु संघीय गठबन्धनलिसे कार्यगत एकता याना वनेत लँ चाःगु खः ।

पहिचानया आधारय् राज्यया हरेक निकायसं समानुपातिक समावेशी लागू यायेमाःगु, प्रदेश पहिचानया आधारय् दयेकेमाःगु, भाषाया सवालय् समानता दयेमाःगु जारी याःगु संविधान संशोधनया प्रस्तावयात परिमार्जन याना

वनेमाःगु लगायतया माग तथा आन्दोलन याना वयाच्चंगु मधेसवादी, जनजाति पार्टीत नाप नापं पहिचानया आधारय् जनस्तरं दयेकातःगु प्रादेशीक संगठन दुध्यागु संघीय गठबन्धन व डा. भट्टराईया नेतृत्वया नयाँ शक्ति नेपाल कार्यगत एकता याना वनेगु जुइवं पहिचानवादीतय् उत्साहित याना बिउगु दु ।

संघीय गठबन्धनया छम्ह नेतां धयादी कथं डा. भट्टराई नेतृत्वया नयाँ शक्ति नेपाललिसे कार्यगत एकता याना वनेगु अवस्था ब्वलनेवं पहिचानवादीतय्गु निती उत्साहित जूगु अले क्वय्या तहलय् तकं संघीय गठबन्धनया संरचना दयेका वनेगु बारे तकं सहलह जुयाच्चंगु दु धाःगु दु ।

आन्दोलनयात प्रभावकारी व सशक्त यायेगु निती अथे क्वय्या तहलय् तकं संघीय गठबन्धन दयेका वनेगु नापं

अनं लिपा चुनावया निती नं तयारी यायेगु जुइ धकाः सूत्रं धाःगु दु ।

उकिं आः नयाँ शक्ति नेपाल व कार्यगत एकता वनेगु धकाः सहमति तकं जूगु दु ।

ता इलनिसेंया कुतः लिपा डा. बाबुराम भट्टराई नेतृत्वया नयाँ शक्ति नेपाल अथे संघीय गठबन्धनलिसे कार्यगत एकता याना वनेत सहमत जूगु खःसा लिपा संघीय गठबन्धनय् हे च्वना न्ह्याः वनेत तयार जुइगु अवस्था दु धकाः सूत्रं धाःगु दु । निगू शक्तिया दथुइ मूल रुपं तत्कालया निती कार्यगत एकता यायेगु अले आः संविधान संशोधन प्रस्तावयात परिमार्जनया निती समान धारणा दयेकेगु धकाः तकं सहमति जूगु दु ।

निगू राजनीतिक शक्तिया दथुइ मूल रुपं पहिचानया आधारय् भिगू भौगोलिक प्रदेश दयेकेगु, प्रदेश मातहत स्थानीय तह तयेगु, राष्ट्रिय सभाया



संघीय गठबन्धन क्वय्या तहलय् तकं यंकीगु

सदस्ययात गाउँपालिका व नगर पालिकाया प्रमुख व उपप्रमुखपाखें मतदान याये मदइगु, पूर्ण समानुपातिक सामावेशी निर्वाचन प्रणाली लागू यायेगु व न्यायालय व सेनाय् नं पूर्ण समानुपातिक प्रणाली लागू यायेगु निती मंकाः कथं न्ह्याः वनेगु खँय् सहमति

जूगु दु । ख्व हे दथुइ नयाँ शक्ति नेपालयात तकं दुध्याका संघीय गठबन्धनयात अझ तःधं याना वनेगु अले आन्दोलन नाप नापं कन्हय् वना चुनावया तकं तयारी यायेगु खँय् तकं शीर्ष नेतातय्गु दथुइ सहलह ब्याकेगु ज्या जुयाच्चंगु दु

भिन्तुना

ज्यापु महागुथि किपू नगर समितिया जिवंकाछी जः पांगा सालिकया उदय लाल डंगोल ई. अ.सं. पुलचोक इन्जिनियरिड क्याम्पसया सहायक क्याम्पस प्रमुख पदय् नियुक्त जुयादीगुलिं यक्व यक्व भिन्तुना नापं कार्यकाल सुथांलायमा धकाः कामना यानाच्चना



उदय लाल डंगोल

ज्यापु महागुथि

किपू नगर समिति

सुचं ! सुचं !! सुचं !!!

ज्यापु महागुथि किपू नगर समितिया ग्वसालय् नेपालभाषा साहित्य गोष्ठी जुइत्यंगु दु ।

साहित्य गोष्ठी जुइगु दिं

वइगु सिल्लागा आमाई फागुन (१५ गते) आइतवाः

च्वसू : चिनाखं, बाखं, चिबाखं, हाइकू, गजल, च्वखं न्ह्यागु नं बिया दीफइ ।

च्वसू बिइगु थाय्:

मिलन स्टूडियो अमल्लिस, (रामभक्त महर्जन)

बाघभैरव आयुर्बेदिक वासः पसः (कुलबहादुर)

तःगःवपि,

पांगा बुक्स एण्ड स्टेसनरी, धवाखासी पांगा

ग्वाहालिमि : पद्मिनी ज्वेलर्स, तःगःवपि, किपू

संयोजक : अर्जुन महर्जन 'नेपा:मि'



ज्वजलपा वा:पौ

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार
ले-आउट:

ज्वजलपा डेस्कटप
संवाददाता

भरत महर्जन, निरजमान सिंह
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

नेपा: राष्ट्रिय पार्टी व सांसद

नेवा:तय्गु हक अधिकारया नितिं धका: नीस्वंगु नेपा: राष्ट्रिय पार्टीया छम्ह जक सांसद लक्ष्मण राजवंशीयात पार्टी पितंगु समाचार व:गु दुसा सांसद राजवंशी धा:सा न्हापा हे थ:गु नेतृत्वया पार्टी गठन याना निर्वाचन आयोगय् तयार दर्ता याना संसद सचिवालयसं तर्क दर्ता यानात:गु खना मनुत अजूचा:गु दु ।

पहिचान विरोधी विपक्षीतय्गु गठबन्धनय् सांसद राजवंशी वनादिल धका: वयक:यात पार्टीपाखें कारवाही यायेगु धका: गुगु कथं तयारी या:गु ख: व खँ सिइवं हे राजवंशीं व्यागलं कथंया पार्टी गठन यानात:गु जुयाचन अले निर्वाचन आयोगय् तर्क दर्ता या:गु स्पष्ट जुयाव:गु दु । पार्टीया निर्देशन कथं हे संविधान संशोधनया विपक्षय् थ:म्हं मत तया वयाचनगु ख: धका: सांसद राजवंशीं धयादीगु दुसा आ: न्हूगु संविधान कथं ल्वयेक आदिवासी जनजाति, ब्रम्हनिसें मधेसीतर्क दुथ्याका 'बौद्धिक जनतान्त्रिक परिषद्' नामं पार्टी दयेकादीगु जुयाचन ।

सदस्य हे मखुम्हसित पार्टी सांसद दयेकूगु अले सांसद जुया नं थ: नेपा: पार्टीया सांसद मखु धका: सार्वजनिक रुपं न्ववाना नेपा: पार्टीया सिद्धान्तसिबें अ:ख: जुइक सांसद राजवंशीं मत तया वयाचनदीगु ख:सा लिपांगु इलय् वया ला ल्वापु भन तच्चया व:गु अले सांसद ब्यगलं हे पार्टी तर्क दयेका तये धुकूगु छखे दुसा मेखे पार्टी कारवाही नं या:गु ल्याखं स्वल धा:सा नेपा: पार्टी व सांसद निगू पक्ष नं नेवा:तय्गु भावनाय् खेलवाद या:गु दु धका: टिप्पणी यायेत बाध्य जुइगु अवस्था ब्वलना व:गु दु ।

गजल शौरभ शाक्यया

गजल-१६

छंत:नापलायेगु त्वह:जक ख:
छ नापं खँल्हायेगु म्वह:जक ख: ।
छ सुयात द्य:भापिया पूजायात
वला खुसि सिया ल्वह: जक ख: ।
सर्गतय् छं तूयुम्ह वखुँ गुम्ह खंगु ख:
धात्थेला व वखुँ मखु ब्वह:जक ख: ।
जिगु जीवनया न्यंगु छं रामकहानी
सिमा कचाय् च्वंगु स्वह:जक ख:।
थौं तक गुलिनं सनाचन सौरभं
जीवनय् म्वानासूया ज्वह:जक ख: ।



श्रीकृष्ण महर्जन

नेवा:तय्गु मानव अधिकार कथं भाषिक, सांस्कृतिक नापं फुक्क ख्यलय् समान अधिकार कायेगु नितिं स्वनिग:यापिं नेवा:त हे दना वयेमा: तर दना वयाच्वंगु मद्दु धका: सकल नेवा:तय्सं धायेगु याना वयाच्वंगु दु । अले स्वनिग:यापिं नेवा:त दनेगु धइगुया अर्थ नेवा: दुने नं स्वनिगलय् दक्ले अप्ठ्य: ज्यापुत दुगुलिं ज्यापुत हे दना वयेमा:गु अवस्था वइ । स्वनिगलय् नेवा: दुने नं दक्ले अप्ठ्य: ज्यापुत दुगुलिं जब ज्यापुत दना वइ अले मेमेपिं नं नेवा:तय्गु सामुहिक अधिकारया नितिं मंका: कथं न्ह्या: वनेत अ:पुइ । नेवा:तय्गु सामुहिक अधिकार धइगु भाषिक रुपं समानता, सांस्कृतिक रुपं समानता नापं हरेक ख्यलय् समानता नाप नापं राज्यया हरेक निकायसं समानुपातिक प्रतिनिधित्व ख: । थुगु कथंया अधिकार प्राप्ति यायेगु नितिं हे नेवा:तय्सं राजनीति यायेमाल अले राजनीतिक पार्टी दुने वना नं नेतृत्व कायेमाल धका: धायेगु याना वयाच्वंगु ख: ।

थुगु कथंया अधिकार प्राप्त यायेगु ख:सा उकिया नितिं नेवा:त आन्दोलित जुया न्ह्या: वनेमा:गु अवस्था दु । अले थौकन्हय् नेवा:तय्गु हक अधिकारया नितिं नेवा: न्ह्यलुवातय्सं मा:गु कथं नेतृत्व मयात अले नेवा:तय्गु थुइकेगु ज्या मयात धका: धायेगु याना वयाच्वंगु दु । राजनीतिक दलय् दुपिनिसें नेवा:तय्गु नितिं धका: न्ह्या: वनाच्वपिं सकल नेतात हे थ्व इलय् असफल जूगु जकं मखुला धका: तर्क न्हयस: तयाह:गु दु । विशेष याना नेवा:तय्गु भाषिक अधिकार मदुगु अले नेवा:तय्गु पहिचान मदुगु संविधान जारी या:गु अवस्थाय् नं नेवा:त थपिनिगु अधिकार मदु धका: तर्क मंका: कथं स: तया सतकय् क्वहां वयेगु ज्या मया:गुलिं हे नेवा: नेतृत्व असफल जुल धका: धायेगु यानाह:गु दु । राजनीतिक पार्टी दुने दुपिं नेवा: नेतात नं अप्ठ्य: याना पार्टीया हकीपयात स्वीकार याना जारी जूगु संविधान हे तसकं उत्कृष्ट धका: धायेगु यानादीगु ख: । ता ई तक संविधान बांला: धका: ब्याख्या यायां लिपांगु इलय् वया राजनीतिक पार्टीया नेतातय्सं हे संविधान संशोधन यायेगु ज्या या:गु नापं आ: हाकनं संविधान संशोधनया प्रक्रिया न्ह्याकादीगुलिं पार्टीया नेवा: नेतातय्गु नं संविधान संशोधन याना आ: नेवा:तय्गु अधिकार कायेमाल धका: धायेगु याना ह:गु दु । कमसेकम आ: वया जूसां जारी जूगु संविधानय् नेवा:तय्गु हक अधिकार मदु धका: तायेकूगु अले त:सलं मया:सां चीसलं जूसां संविधानय् नेवा:तय्गु अधिकार नं दुथ्याकेमाल धका: अप्ठ्य: याना राजनीतिक

नेवा: अधिकारया निति ज्यापु

पार्टीया नेवा: नेतातय्सं धायेगु याना ह:गु थ्व सकारात्मक रुपं हे कायेमा: ।

नेवा:तय्गु अधिकार संविधानय् दुथ्याकेगु खत धा:सा दक्ले न्हापां नेवा: दुने नं ज्यापुतय्गु हे राजनीतिक अधिकार या सवालय् सुसुचित याना इमित जागृत यायेमा:गु अवस्था दु । स्वनिगलय् नेवा: दुने नं ज्यापुत यक्व दुगुलिं यदि नेवा:तय्गु अधिकार कायेगु खत धा:सा ज्यापुतय्सं हे दक्ले त:धंगु भुमिका नं म्हितेमा: । उकिया नितिं ज्यापुतय्गु संगठित याना वयाच्वंगु ज्यापु महारुथि, श्री ज्यापु महारुथिनिसं ज्यापु समाजया त:धंगु भूमिका दइ । ज्यापु समुदाय दुने थुगु कथंया स्वंगु संगठया अस्तित्व खने दुसा थ्व स्वंगु संगठनं थ:थगु कथं ज्या यानाच्वंगु दुसा मा:गु कथं नेवा:तय्गु हक अधिकार या नितिं ज्यापुतय्गु सचेत यायेगु अले जागृत यायेगु ज्या धा:सा यानाच्वंगु खनेम दु ।

ज्यापुतय्गु संगठित याना नेवा: अधिकारया नितिं न्ह्य:ने यंकेगु ख:सा ज्यापुतय्गु अस्थाया विषयसं नं विश्लेषण यायेमा:गु अवस्था दु । समान्य तया स्वनिग:या ज्यापुतय्गु अवस्थायात कया कुतुकुला स्वल धा:सा स्वंगु कथंया ज्यापुत खने दु । भौगोलिक, राजनीतिक चेतना नापं सक्रियताया आधारयात कया स्वल धा:सा यें महानगर दुनेया ज्यापुत, यल नगर दुनेया ज्यापुत व किपू नगरया ज्यापुतय्गु उदाहरणया रुपय् कायेफइ । ज्यापु समुदाय दुनेया प्रवृत्तिनिसं इमिगु सोच, संगठित जुयाच्वंगु अले इमिगु इच्छा व बाध्यतायात ध्यानय् तया स्वल धा:सा यें महानगर दुनेया ज्यापुत विशेष याना सांस्कृतिक रुपं तसकं सक्रिय जुयाच्वंगु खने दु । महानगर दुने ज्यापुतय्गु ल्या: नेवा: दुने नं अप्ठ्य: दयानं नेतृत्व तहलय् खास हे थ्यंके फयाच्वंगु मदुसा सांस्कृतिक ख्य:या नितिं जक ज्यापुतय्गु नेवा: ख्यलं लुमंकेगु यानाच्वंगु अले छ्यलाच्वंगु खायागु यथार्थ ख: । गुलिं गुलिसिं थुकियात कया असहमति नं क्यनेफु । तर जिं खनागु थ्व हे ख: । अले येंया ज्यापुतय्गु नेतृत्व यानाच्वपिं ज्यापु न्ह्यलुवातय्सं नं यें महानगरया ज्यापुतय्गु रुपं सचेत जुइगु कथंया ज्यापुतय्गु यंका: क्रियाशिल यायेगुसिबें नं सांस्कृतिक पक्षयात अप्ठ्य: प्राथमिकता वियाच्वंगु दु । ज्यापुत निगू संगठनय् विभाजित जुयाच्वंगु धइगु नं यें महानगर दुने हे ख: । निगू संगठनय् विभाजित जुयाच्वंगुलिं यें महानगरया ज्यापुतय्सं ला मेगु कथंया विचा: तर्क याये मफयाच्वंगु दु अले व हे नेतृत्वया खं न्यन्यं हे अलमल जुयाच्वंगु दु । इलय् ब्यलय् सांस्कृतिक ज्यापुतय्गु क्रियाशिल जुइगु अले उकियात हे नेवा:तय्गु एकता धायेगु याना वनाच्वंगु खने दु ।

अपवादयात त्व:ता स्वल धा:सा यें महानगर दुनेपाखें ज्यापुत राजनीतिक पार्टीया केन्द्रीय जिम्मेवार तहल तक नं खास हे थ्यंके फयाच्वंगु मदु । अले नेवा:

ख्यलय् नं व हे अवस्था दु धा:सां पाइमखु ।

ज्यापुतय्गु हे बारे स्वल धा:सा यल नगर दुनेया ज्यापुत धाईपिं संगठित शक्तिया रुपय् न्हय:ने वयाच्वंगु दु । यल नगर दुने ज्यापुतय्गु समस्या जुल धा:सां छप्पं जुया वनेगुनिसं ज्यापु समाजं धाल धायेवं हाप्क: दनेथें जुइक हे दना वनेगु यानाच्वंगु दु । नेवा:तय्गु हक अधिकारया सवालय् नं न्हापा न्हापा उगु हे कथं यलया ज्यापुत दनाव:गु ख: । तर लिपांगु इलय् वया नेवा: अधिकारया स: फ्यासुया वनेवं ज्यापु समाजं नं नेवा:तय्गु अधिकारया सवालय् गुलि मा:गु ख: उलि स: थ्वयेकेगु नापं ज्यापुतय्गु क्रियाशिल यायेगु ज्या यानाच्वंगु खने मदु । अयनं ज्यापु समाजं गवले आवश्यकता जुइ अवले ज्यापुत फक्क थना हयेफु धका: तायाकाच्वंगु दु । थ्व ज्यापु समाजया नेतृत्वया विश्वास कन्हय् वना छु जुइगु ख: व धा:सा स्वयेगु ल्यहे दनि । राजनीतिक पार्टी दुने नं यें महानगरया तुलनाय् यल नगरय् च्वपिं ज्यापुत क्रियाशिल जुया न्ह्य:ने वनाच्वंगु अवस्था दु ।

ज्यापु समुदाय दुनेया मेगु प्रवृत्तिया उदाहरण ख: किपू । किपुलिइ राजनीतिक रुपं नं ज्यापुत हे न्ह्य:ने दु अले भाषिक ख्य:निसं सांस्कृतिक ख्यलय् नं ज्यापुत हे न्ह्य:ने दु । राजनीतिक पार्टीइ विभाजित जुया नं ज्यापुत हे न्ह्या: वनाच्वंगु दु । अथे ज्यापुत न्ह्य:ने लानाच्वंगुया कारण किपुलिइ ज्यापुत संगठित जुया मखु र । राजनीतिक पार्टी दुने हे क्रियाशिल जुया अले नेवा: संगठनय् हे क्रियाशिल जुया ख: । नेवा: दुने ज्यापुत किपुलिइ न्ह्य:ने लानाच्वंगु दुसां नेवा:तय्गु हक अधिकार या नितिं धका: स: थ्वयेकेगु नितिं ज्या याइगु संगठनया अभाव जुयाच्वंगु दु । छुं छुं ज्यापु महारुथि किपू नगर समितिं यानाच्वंगु दुसां समग्र नेवा:तय्गु नितिं हे मा:गु कथंया पला: ल्हवनेगु नितिं आ:या अवस्थाय् छुं नं कथंया संगठन खने मदु ।

ज्यापु दुनेया थुगु कथंया स्वंगु प्रवृत्तियात थुइका दुग्यंके विश्लेषण याना आ: नेवा: भाय्, नेवा: संस्कृति नापं नेवा:तय्गु हक अधिकारया नितिं थ्व इलय् ज्यापुत गुगु कथं सतकय् क्वकाये फइ अले इमित गुगु कथ थुइका वनेमा: धका: नेवा: नेतृत्व विचा: यायेमा:गु ई व:गु दु । ज्यापुतय्गु थुइका वने फत धा:सा, ज्यापुतय्गु सतकय् क्वकाये फत धा:सा अवश्य नं समग्र नेवा:तय्गु हक अधिकार स्थापित यायेफइ । अले नेवा:तय्गु हक अधिकार स्थापित जुइगु धइगु हे मेमेगु आदिवासी जनजातिनिसं उत्पीडित समुदायया नं हक अधिकार सुनिश्चित जुइ धका: थुइकेमा: । उकिं नेवा: नेतातय्सं अले ज्यापु न्ह्यलुवातय्सं थ्व इलय् ज्यापुतय्गु नेवा:तय्गु हक अधिकार स्थपित यायेगु नितिं गुगु कथं थुइका वनेगु अले इमित क्रियाशिल याना नेतृत्व तर्क विकास यायेगु धइगु बारे दीर्घकालिन योजना दयेका वनेमा:गु आवश्यकता दु ।

किपू नगरपालिकाया बारे संसदय् सः थ्वल किपुली दक्षिणकाली स्वाके हःगुलिं सांसदय् विरोध

ज्वजलपा वा:पौ /

बालानन्द शर्माया स्थानीय तह पुनःसंरचना आयोगं काठमाडौं जिल्लाया दक्षिण लागाया दक्षिणकाली नगरपालिकायात किपू नगर पालिकाय् स्वायेहःगु दु ।

उगु आयोगं बिउगु प्रतिवेदन कथं निगु नगरपालिका स्वायेहःसां नां किपू नगरपालिका हे जुइ । नगरपालिकाया केन्द्रीय ज्याकु किपुली च्वनी धयातःगु दु ।

उगु प्रतिवेदन कथं किपू नगरपालिका आः १० गू वडाय् ब्वथलातःगु दुसा, दक्षिणकाली नगरपालिकापाखे ६ गू जक वडाय् ब्वथलातःगु दु ।

थुगु प्रतिवेदनया विरोधय स्थानीयवासीतसें विरोध यानाच्वंगु दु । दक्षिणकाली नगरपालिकाया फुक्क धइथें पार्टीया स्थानीय नेता व कार्यकर्तापिं विरोधय कुहाँ वयाच्वंगु दु ।

पौष ७ गते शुक्रवाःया संसदया विशेष बैठकय् काठमाडौं जिल्ला क्षेत्र नं.१० या सांसद राजेन्द्र कुमार के.सीं नं आयोगया थुगु निर्णयया कडा रुपं विरोध यानादीगु दु ।

“भौगोलिक रुपं तापागु टुल्कु, डुडेचौर व छैमलेथें जाःगु गा.वि.स. यात नगरपालिका दयेका किपू केन्द्र यायेगु तसकं मत्वःगु व अनया



जनतायात न्याय मयाःगु थुकीया विरुद्ध फुक्क दलया नेता कार्यकर्तातसें विरोध यानाच्वंगु दु । उकिं थुकीयात हानं छक सुधार यायेत इनाप यानाच्वना ।” सांसद राजेन्द्र कुमार के.सीं. च्ववानादिल ।संघीयताय् राज्य पुनःसंरचना यायेगु धइगु जनतायात सुविधा बिइगु कथं



ज्याछिंकेगु खः । तर आः वयाः स्थानीय तह पुनःसंरचना आयोगं जनताया सेवा सुविधा स्वया थःपिनि यत्थे यानाच्वंगु दु । दक्षिणकालीया टुल्कु डुडेचौरया मनूत किपुली वया छुं ज्या याकेमाःसा न्हिच्छि बिइगु, वये वनेत तकं थाकुइगु जूगु दु ।

नेवाः नां तयाः संघसंस्था दर्ता मयाकूगुलिं गृहमन्त्रीयात ध्यानाकर्षण पौ लःल्हात



यें जिल्ला प्रशासन ज्याकुथिइ नेवाः नां तयाः संघसंस्था दर्ता मयाकूगुलिं थुगु विषययात कयाः नेवाः देय् दबूपाखें शुक्रवाः सुथय् गृहमन्त्री विमलेन्द्र निधियात मन्त्री क्वाटरय् नापलानाः ध्यानाकर्षण याकूगु दु ।

देय् दबूया नायः नरेश ताम्राकारया नेतृत्वय् वंगु प्रतिनिधि मण्डलं थुगु खँयात कयाः ज्ञापनपौ लःल्हाःगु खः । उगु इलय् गृहमन्त्री निधियात यें जिल्ला प्रशासन ज्याकुथिं नेवाः नां तयाः संघसंस्था दर्ता मयाकूगु खँय् नेवाःतय्गु गम्भीर ध्यानाकर्षण जूगु खँ न्ह्यथंसें थुगु ज्यां भाषिक अधिकार हनन जूगु खँ तयादीगु खः । गृहमन्त्री निधिं थुगु विषययात कया सम्बन्धीत निकायलिसे खँ ल्हायेगु बचं बियादीगु खः ।

‘नेवाः मतदाता व नेवाः आन्दोलन प्रति गद्दारी’ लछि न्ह्यव हे सांसद राजवंशीया ब्यागलं पार्टी

नेपाः राष्ट्रिय पार्टीया सांसद लक्ष्मण राजवंशी गोप्य रुपं थःगु हे अलग्ग पार्टी दर्ता यानातःगु खँ सार्वजनिक जूगु दुरु । पहिचान विरोधी आन्दोलनय् लगे जुल धकाः पार्टीपाखें कारवाही जुइगु सम्भावना खंकाः वय्कलं वंगु पुस ४ गते हे ‘बौद्धिक जनतान्त्रिक परिषद्’ नामं निर्वाचन आयोगय् न्हूगु पार्टी दर्ता यानातःगु खः । न्हूगु पार्टी गठनया बारे वय्कलं पार्टी लगायत सुयातं नं जानकारी धाःसा बियातःगु मदु ।

एमाले नेतृत्वया गठबन्धनय् वंगु द्वपं बिसें नेपाः पार्टीपाखें वय्कःयात म्हीग तिनि पार्टी निष्काशन याःगु खः । तर राजवंशी न्हूगु पार्टी दर्ताया ज्या धाःसा लछि न्ह्यः हे याना तयेधुंकूगु जुयाच्वन । सूत्रतय्सं बिउगु जानकारी कथं न्हूगु पार्टी दर्ताया लागिं वय्कः थः हे निर्वाचन आयोग भ्नाःगु खः । गोप्य रुपं दर्ता यानातःगु उगु पार्टीइ सु सु दु धइगु खँ सी मर्दुनि । सूत्रं धाः कथं थ्व नेपाः पार्टी यें नेवाः पहिचानलिसे सम्बन्धित पार्टी धाःसा मखु । थुकी नेवाः लगायत खय्, ब्रम्हू व मेमेगु जातियापिं मनूत नं दुजःया रुपय् दुथ्याकातःगु दु । निर्वाचन आयोगय् दर्ता जूगु वय्कःया पार्टीयात कयाः आयोगं संसद सचिवालयय् नं पत्राचार यायेधुंकूगु दु । संविधान कथं पार्टीया संसदीय दल टुक्रा यानाः नं न्हूगु पार्टी गठन याये जिउ ।

नेपाः पार्टीपाखें संसदीय दलया अध्यक्ष नं राजवंशीयात हे दयेका तःगु व वय्कः याकःचा हे जक पार्टीया सांसद जूगु कारणं वय्कः



धइम्ह संसदीय दलया शतप्रतिशत संख्या खः । वय्कलं थ्वहे प्रावधानया लबः कयाः थःगु हे अध्यक्षताय् न्हूगु पार्टी गठन यानादीगु खः । वय्कलं न्हूगु पार्टी दर्ता याःगु ज्यायात नेपाः पार्टीया महासचिव डा. विजय सैजुं धाःसा नेवाः मतदातातय्त याःगु गद्दारी खः धयादीगु दु । ‘सदनय् नेवाःतय् सः तये फयेकेमा धकाः नेपाः पार्टीयात नेवाःतय्सं मत बिउगु खः, तर वय्कलं व फुक्क मतदातातय्त गद्दारी यानादिल’ महासचिव सैजुं कनादिल ।

देय् दबूया तःमुँज्या चैत ४ व ५ दाङय् याइगु



नेवाःतय्गु राष्ट्रिय संगठन नेवाः देय् दबूया दिनाच्वंगु खुक्वःगु तःमुँज्या थ्वहे वइगु चिल्लागा ५ व ६ (वि.सं. २०७३ चैत्र ४ व ५

गते) शुक्रवाः व शनिवाः कुन्हु दांगया घोराहीइ याइगु जूगु दु ।

ता ई न्ह्यःवनिसें विवादया दथुइ याये मफयाच्वंगु देय् दबूया तःमुँज्या चैत्र ४ व ५ गते दाङय यायेगु धकाः निर्णय याःगु खः ।

नेवाः देय् दबूया नायः नरेश ताम्राकारया सभापतित्वय् देय् दबूया संरक्षक व सल्लाहकारपिं सहित जूगु केन्द्रीय समितिया मुँज्यां थ्व निर्णय याःगु खः ।

देय् दबूया उगु तःमुँज्या सुथालाक्क यायेगु लागिं देय् दबूया मध्यमाञ्चल न्वकु विजयप्रकाश तण्डुकारया अध्यक्षताय् १३ म्ह दुजः दुथ्याःगु छगू बिस्कं हे ग्वसाः खलः नं नीस्वंगु दु । उगु ग्वसाः खलःयात अधिकार सम्पन्न धकाः धाःगु दु । तःमुँज्या बारे फुक्क ज्या थ्व हे ग्वसाः खलकं याइ धाःगु दु । देय् दबूया संरक्षक व

सल्लाहकारपिं नं तःमुँज्या ग्वसाः खलःया संरक्षक व सल्लाहकार कथं दुथ्याइ । अथे हे चितवनया नारायणगढय् जूगु विधान अधिवेशनपाखें क्वःजिउगु निर्वाचन समितिइ दुथ्याःपिं स्वम्ह दुजःपिं मध्ये जयकुमार श्रेष्ठ बिराटनगरयात कजिया भाला बीगु नं क्वःजिउगु दु । नापं दुजःपिं मनोज नेवाः खड्गी यें व गणेशमान श्रेष्ठ टोखा दुगु समितिइ मंगल महर्जन यल व कुमार राज श्रेष्ठ दाङयात नं दुथ्याकेगु क्वःजित ।

तःमुँज्या सम्पन्न यायेगु लागिं देय् दबूपाखें ग्वसाः खलःयात फुक्कं भाला बीगु ज्या नं जूगु दु । तःमुँज्याया लागिं देय् दबूपाखें न्यागू लाख तकाया बजेट नं निकास याःगु दु ।

ग्वसाः खलः गठनया नापनापं आः देय् दबूया वर्तमान ज्यासना पुचलं नं संक्रमणकालीन जक न्ह्याके दइगु व दीर्घकालीन लिच्वः लाइगु छुं नं ज्याखँ याये मदइगु निर्णय भिगःया मुँज्यां याःगु दु ।



स्वस्थानी छु खः ?

श्रीकृष्ण महर्जन


दैय दसं पोहलाथ्व पुन्हि अर्थात मिला पुन्हिनिसें सिल्लाथ्व पुन्हि अर्थात सिपुन्हि तक लच्छियंकं नेवा:त जक मखु नेवा: मखुपिन्सं तक स्वास्थानीयात लुमंकेगु याइ । खास याना स्वनिग:या आदिवासी नेवा:तय्सं दक्ले अप्ठ: स्वस्थानीयात प्राथमिकता न्हापा न्हापा बिया वयाच्वंगु ख:सा स्वनिगलय नेवा:त नाप नाप च्वनाच्वीपिं मेमेपिन्सं नं उगु हे कथं नाला वयाच्वंगु अले आ: वया ला सकलसिनं हे स्वस्थानीयात नाला वयाच्वंगु दु ।

स्वस्थानीयात स्वस्थानीमात अले स्वस्थानी भगवान नापं स्थानीय छ: धका: धायेगु याना वयाच्वंगु दु । सक्वया स्थानीय नेवा:तय्सं ला स्वस्थानी धाइम्ह हे बज्रयोगिनी छ: ख: धका: नाला वयाच्वंगु दु । अभ्र गुलिं गुलिसिनं ला स्वस्थानी धाइम्ह महाद्य:या कला पार्वती धका: धायेगु याना वयाच्वंगु दु । स्वस्थानीया सफुतिइ स्वल धा:सा महाद्य: व पार्वतीया किपा: तयात:गु दुगुलिं पार्वती धाइम्ह हे स्वास्थानी धका: थुइकेगु स्वाभाविक हे ख: । गुलिं गुलिं सफुतिइ धा:सा ओम खँव:यात हे स्वस्थानी धका: थुइकेगु कथंया किपा: तयात:गु मदगु मखु । अयूनं सामान्य तया स्वस्थानी धाये धुनेवं महाद्य:या कलाया रुपय नाला वयाच्वंगु दु । अथे महाद्य:या कला पार्वती हे स्वस्थानी धका: थुइकेगुया मेगु मूल कारण धइगु स्वस्थानी बाखनय महाद्य: व पार्वतीया घटनाक्रमत यक्व उल्लेख यानात:गु दुगुलिं नं ख: ।

अथे हे छगू बाखं सफुतिइ ला स्वस्थानीदेवी धाइम्ह महामायाया शक्तिया छगू रुप ख: । महामायाया शक्तियात मूल प्रकृति नं धायेगु या: । थ्व सारा विश्व ब्रम्हाण्ड फुक्कं उम्ह हे मूल प्रकृतिया रुप देवीशक्ति दयाच्वंगु ख: । मिं पुइगु, लखं ख्वाउँसे च्वंकीगु, सूर्य: नं निभा: त्वयेकीगु आदि संसारया सकतां ज्या प्रकृतिया हे व्यवस्था ख: । उज्ज:म्ह शक्तिरूपी परमेश्वरयात सदां नमस्कार याये धका: न्हयथनात:गु दु ।

थुगु ल्याखं स्वल धा:सा स्वस्थानी धाइम्ह महाद्य:या कला पार्वती, प्रकृति, स्थानीय छ: नापं थीथी पीठ अर्थात स्थानीय छ: ख: धका: तक नाला वयाच्वंगु खने दु ।

स्वास्थानी बाखं सफुतिइ थुगु बाखं महाद्य:या काय कुमार अगस्ते ऋषियात कनाच्वंगु ख: धका: कुमार आज्ञा जुल हे अगस्ते मुनि धका: न्हिया न्हिथं कनेगु बाखनय उल्लेख



येंया मखंया ताना बहा: आर्थात नारणी बहालय ल्वहंयागु थुगु मूर्तिइ महाद्य:या बाहां द्वं नं दु अले पार्वतीया बहां सिंह नं दु । येंया मल्ल जुजु प्रताप मल्लया इलय नेपाल संवत ७७४ पाखे पलिस्था या:गु थुगु मूर्तियात आ: तक लुयाव:गु दक्ले पुलांगु स्वस्थानीया मूर्ति । सक्वय च्याकुंला:गु देग:या दुने पश्चिपाखे स्वका पलिस्था यानात:गु स्वस्थानीया मूर्ति धइगु ल्वहंयागु मूर्ति ख: । सक्वय ल्हातं च्वयात:गु स्वस्थानीया बाखं सफुतिइ उल्लेख जुयाच्वंगु कथं च्याम्ह अष्टमातृकाया दथुइ स्वंग: मिखा दुम्ह, प्यपा ल्हा: दुम्ह अले छपा ल्हातं खड्ग, मेगु ल्हातं च्चामो, मेगु ल्हातं बर माल ज्वनाच्वंम्ह नापं छपा ल्हातं आशिवाद बियाच्वंम्ह मुलुकछ्याना फयेतुनाच्वंम्ह मूर्ति ख: ।

यानात:गु दु । अथे हे सक्व नाप स्वापू दुगु ग्रन्थ मणिशैल महावरणय धा:सा दक्ले न्हापां मायासुर धाइम्ह दानव स्याये मफया पराजीत यायेत विष्णु भगवान बज्रयोगिनीया आरधणा या:गु इलय मांका: भैरव थ: हे पुरोही जुया दक्ले न्हापां विष्णु भगवानयात स्वस्थानी धलं दंके विउगु ख: धका: उल्लेख यानात:गु दु । माघ महिनाय विष्णुयात माव नारायण धा:गु जुया बास्तवय माधव नारायण धाइम्ह भगवान विष्णु हे ख: धका: धायेगु याना वयाच्वंगु दु ।

सक्वय लच्छि तक मेला जुइगु इलय स्वस्थानी धलं दनेगु धका: गुगु कथं नादी खुसि अर्थात सालीनदिइ धलं दनेगु याइ अबले माधव नारायणया नेतृत्वय धलं दनीगु ख: । अबले माधव नारायणया मूर्तियात धलं दनेगु नेतृत्व यानाच्वंम्ह कथं नालात:गु दुसा मेमेपिं मनूत धा:सा माधव नारायणया नेतृत्वय हे नाप नापं धलं दनीगु ख: ।

सक्वय लच्छि तक मेला जुइगु इलय न्हापा न्हापा प्रचलित नेपाल लिपिं च्वयात:गु नेवा: भाय्या स्वस्थानी बाखं कनेगु याना वयाच्वंगु ख:सा लिपांगु इलय वया धा:सा खय भासं बाखं कनेगु यानाच्वंगु दु । गबलें गबलें नेवा: लिपिं च्वयात:गु बाखं कनेफुपिं दुगु अवस्थाय धा:सा नेवा: भासं हे बाखं कनेगु नं

याना वयाच्वंगु दु । स्वस्थानीया इलय नेवा:तय्सं थ:थ:गु छेंय छेंय तक बाखं कना वयाच्वंगु दु । बहनी बहनी बाखं कना बाखंपा: विइगु नेवा:तयगु थ:गु हे कथंया पह: ख: । नेवा:तयसं न्हापा न्हापा नेवा: भासं हे बाखं कना वयाच्वंगु ख:सा लिपांगु इलय वया खय भाय्या सफू व्वना नं बाखं कनेगु याना हयाच्वंगु दु । स्वस्थानी बाखं सक्वय न्यास:दं पुलांगु तक दु धका: स्थानीयवासी दावी याना वयाच्वंगु दु । तर अनुसन्धानकर्तातयसं धा:सा आ: तकया दक्ले पुलांगु स्वस्थानीया बाखं सफू धइगु नेपाल संवत ६९३ संया लुइकूगु दु । राष्ट्रिय अभिलेखालय सं सुरक्षित जुयाच्वंगु उगु बाखं सफू नेवा: भासं च्वयात:गु दु । थुगु बाखनय निहू छ्वा तक अपसं च्वना क्वचायेकेगु खँ उल्लेख यानात:गु दु । तसकं चीपंचागु थुगु बाखं सफूयात गोमयजुया बाखं धका: उल्लेख यानात:गु दु । महाद्यवं पार्वतीयात कनाच्वंगु थुगु बाखनय गोमयजु, शिवभक्त ब्राम्हण, सती ब्राम्हणी, चन्द्रावती, अले नवराज लावन्यदेशया जुजु जुइगु नापं लावन्यमतीया खँ जक दुथ्याकात:गु दु । बाखनय दानवतलसेया ल्वापुनिसं महाद्य: पार्वतीया खँ दुथ्याकात:गु मदु । स्वस्थानीया बाखं सफूया



इतिहासयात स्वल धा:सा आ: तक लुयाव:गु दक्ले पुलांगु बाखं सफूया रुपय गोमयजुया बाखं सफूयात नाला वयाच्वंगु दु ।

पुलां पुलांगु बाखनय महादेवं पार्वतीयात कनाच्वंगु ख:सा आ: वया न्हूगु बाखं सफुतिइ धा:सा कुमार अगस्ते ऋषियात कयानाच्वंगु बाखं ख: । उकिं स्वास्थानी बाखं सुना सुयात कनाच्वंगु ख: धइगु खय नं निगू मत खने दयाच्वंगु दु ।

स्वस्थानी छ:या मूर्तियात मातुमाल वनेगु भूवलय आ: निगू कथंया मूर्तियात स्वस्थानीया मूर्ति धका: हे पुजा आज्ञा याना वयाच्वंगु खने दु । मल्लकालय पलिस्था यानात:गु छगू मूर्ति अले थनि निगू दशक न्हय: सक्वय पलिस्था या:गु दु न्हूगु कथंया स्वस्थानीया मूर्ति । थ्व निगू कथंया स्वस्थानीया मूर्ति खनेदुसा थ्व निगू तसकं ब्यागलं ब्यागलं कथंया मूर्ति ख: ।

येंया मखंया ताना बहा: आर्थात नारणी बहालय मल्लकालय पलिस्था यानात:गु स्वस्थानीय मूर्ति स्वयेबलय महाद्य: व पार्वतीया मूर्ति थें च्वं । ल्वहंयागु थुगु मूर्तिइ महाद्य:या बाहां द्वं नं दु अले पार्वतीया बहां सिंह नं दु ।

चीधंगु थुगु मूर्ति येंया मल्ल जुजु प्रताप मल्लया इलय पलिस्था या:गु ख: धाइ । नेपाल संवत ७७४ पाखे पलिस्था या:गु थुगु मूर्तियात आ: तक लुयाव:गु दक्ले पुलांगु स्वस्थानीया मूर्तिया रुपय नालात:गु दु ।

अथे हे सक्वय च्याकुंला:गु देग:या दुने पश्चिपाखे स्वका पलिस्था यानात:गु स्वस्थानीया मूर्ति धइगु ल्वहंयागु मूर्ति ख: । सक्वय ल्हातं च्वयात:गु स्वस्थानीया बाखं सफुतिइ उल्लेख जुयाच्वंगु कथं च्याम्ह अष्टमातृकाया दथुइ स्वंग: मिखा दुम्ह, प्यपा ल्हा: दुम्ह अले छपा ल्हातं खड्ग, मेगु ल्हातं च्चामो, मेगु ल्हातं बरमाल ज्वनाच्वंम्ह नापं छपा ल्हातं आशिवाद बियाच्वंम्ह मुलुकछ्याना फयेतुनाच्वंम्ह मूर्ति ख: । थुगु मूर्ति सक्वया नादि खुसि अर्थात साली नदिया लिक्क पलिस्था यानात:गु दु ।

थुगु ल्याखं स्वयेबलय स्वस्थानीयात थ:थ:गु कथं ब्याख्या याना वयाच्वंगु जूसां नं स्व धइगु थ: अले स्थान धइगु थाय अर्थात थ:गु थाय्याम्ह छ: जुया हे स्वस्थानी छ: धायेगु याना वयाच्वंगु ख: धका: अपुक थुइकेगु याना वयाच्वंगु दु ।

अन्धविश्वासय् लिकुनाच्चंगु विज्ञान

सी उइ सिधयका
सुच्याका पनेमा:

पन्नारत्न महर्जन

नेवा: समाजय् थीथी कथं संस्कृतिगत दु अले य:थ:गु कथंया धारणा दयेका वयाच्चंगु खने दु । संस्कृतिइ विविधता दुपि नेवा: समाज दुने थये याये मत्य: अथे याये मत्य धका: थीथी कथंया अन्धविश्वास लयनाच्चंगु दु । अज्व:गु कथंया अन्धविश्वास दुने वास्तवय् विज्ञान सुलाच्चंगु दु धका: पन्नारत्न महर्जन कथनादीगु दु । वयकलं नेवा: समाज नाप स्वाका अन्धविश्वारय् लिकुनाच्चंगु विज्ञान नांगु सफू तकं च्वयादीगु ख: । व हे सफूपाखें निरन्तर रुपं न्हयव्वया वयाच्चंगु ख: - सं.

सी उना: मुइ धुंकल धायेव गुथ्या: खल:पिनि सुच्याका म्ह पनेगु चलन दु । थ्व परंपरा न्हापांसिं आ:तक निरन्तररुपं न्ह्याकावयाच्चंगु दु । मि पनेबलय् म्ह छम्ह व सर सामान दक्कं सुकुं गयेकेमा: धयागु धारणा दु । सुं नं सित धायेवं दिपय् यंका: उइमा:गु भीगु संस्कार दु । थज्या:गु ज्या न्ह्याकेत

समाज दुने हे गुथि नीस्वनात:गु दु । थज्या:गु गुथियात सी गुथि, सना:गुथि, बिचा: गुथि आदि नां बियात:गु दु । थ्व ज्या याइपिन्त गुथ्या: (ग्वं) धायेगु याना वयाच्चंगु दु ।

मनू थीथी लवचं कया: सी । सी धुंका: नं उगु लवयया जिवाणुत सीम्हय् छुं छुं मात्राय् लयना च्वनेफु । सिथं यंकेबलय् निसें सी उइ सिमध:तले गुथ्या:त सीम्हया नापं सतिना च्वनी । थज्या:गु अवस्थाय् सीम्हय् ल्यं दनिपिं लवय्या जिवाणुत इमिगु म्हय् प्यपुना वइगु यक्व सम्भावना दइ ।

सी उइबलय् नवइगु छगू स्वभाविक प्रक्रिया ख: । थ्व कुं दाल धायेवं म्ह नापं नवया च्वने य: । दिपय् च्वना: सी उना च्वनेमा:पिं गुथ्या:त थ्व कुं ब्यागलं च्वने फइमखु । इमित कुं दा हे दाइ । थुकिं याना: इमिगु म्ह, वस: आदि सी नवया च्वनी । थ्व नं उजुसुजुं तनी मखु ।

सुइ पोतासया मात्र अक्व: दइ । तर थ्वया भौतिक अवस्था परिवर्तन मजुइकं थ्वया प्रभाव खनेदइमखु । थ्वयात च्याका: थ्वया भौतिक अवस्था परिवर्तन यात धायेवं

थ्वया कुं व नली, उसुसे पालुसे च्वना: पोतासया प्रभाव खनेदया वइ । पोतास ल: यच्चुकेत छयलीगु मध्ये छगू ब्वति नं ख: । थुकिं लखय् दइपिं सूक्ष्म जिवाणुत नस्त याना: छ:गु ल:यात नाइका: साव्वं ब्वाइँब्वाइँ वयेकेत ग्वाहालि याइ ।

पोतास की सी, थ्व वैज्ञानिक सत्य ख: । सुया कुँइ पोतासया मात्रा दइगुलिं थुकिं गायेकल धायेव सूक्ष्म जैविन प्राणीत म्वायेफइमखु । सी उइ सिधयेका: सु च्याका: उकिया कुं गायेकेबलय् सीम्हय् च्विपिं जिवाणुत प्यपुनाच्चंगु द:सां न्हावनी ।

सुया कुँइ छगूकथंया गन्ध दइ । थ्व गन्ध मेमेगु गन्ध ल्हायेगु क्षमता दइ । न्हंका ल्हाये मफुसां छुं ईतक ल्हाकातये फु । सी उना: वयेबलय् म्हय् प्यपुनाच्चंगु सीम्हया गन्ध थुसथुस नवया च्वनेय: । थ्व गन्ध ल्हाकेया लागि नं सु च्याका: पनेगु याइ । थुकिं याना: सी नवइगु पाखें बचय् जुइफइ । थज्या:गु हुनिं याना: सी उइ सिधयेका: सु च्याका पनीगु ख: ।

हलिं नेवा: गुथि किपू कचां किपुली या:गु
“भिके-ल्ट्वने-न्हूधा: यायेनु”छयों तथा चिनाखँ गोष्ठी ब्वंगु चिनाखँ छसिकथं
पिकया वनेगु तातुना थ्व चिनाखँ न्हयव्वयागु ख:

१५.भिके ल्ट्वने यायेनु

शालिकराम महर्जन,
अमल्लिस, किपू

व न्हसी-न्हसी जा:गु देय् नेपा: देसय्
म्हतिं-म्हतिं स: थ्व:गु परिवेशय्
थ: देय्या मांया स: ता:गु परदेशय्
भी फुक्कं छम्ह हे ख: नेपा: थासय्
न्हसी मजुइका: न्हूगु चा पाला:
दुख पिडित जूपिं हुली-हुली नाला:
गरीब जुया जीवन हने माला:
नये मखना: खवि बा: हायेके छ:ला ?

ल्ट्वनेमा: इमित प्रोत्साहन बिया:
न्ह्याकेमा: इमित ह्यूपा: तथा:
गुलिजक कैदी जुया म्वाय् वया
मनू जुया: मनू जुइ म्वा: धया
थ्व ई मखु ग्वतुला: ल्हाका: च्वनेत
घना: ता ई शासन याइ खय्त

भ्वखाय् ब्व:सां इतिहास म्वाकेत
स्यंगु नाश जूगु भिक ल्ट्वनेत

न्हू जलं नेपा:यात चुप्पा नइ
विकासया कैदीत मुक्त जुइ
म्यायेगु अधिकार ईच्छा ज्या याइ
धर्ति नेपा:मां न्हिली सन्तान धाइ
भिक ल्ट्वने व हे संविधान आ:
ज्याभ: व सीप दुपिं जुरुक्क दँ आ:
अत्याख शक्ति श्रम भिक छयले आ:
उन्नती विकास या ठेकेदार आ: ।

लखय् दुने कनाच्चंगु मिखा
निभालं ब्वया: चनेत्यंगु पाखा
दुखनाप दुखि जुया: जाखा ।
पहिचानया थ:गु मां भाखा
स्यंगु नेपा:यात न्हूगु यायेनु
दुंगु नेपा:यात भिक ल्ट्वनेनु
गरीब नेपा:यात धनी जुइकेनु
भिक ल्ट्वने न्हूधा: यायेनु ।

चिनाखँ

नां व दाँ मा:गु दु



फुँई फुक्कं बुँई तोता:
थम्ह दुखसिया सय्का त:गु
स्वस्थ वदक वाँउगु तरकारी
थम्ह हे नय्मफुम्ह ज्यापु मखु जी

ल्वापु जुया मुद्धा याइपीं
भगडीया त वया न्यने कने
या वइपीन्त मुद्धा त्याका बी धका
बकँ फुसुलु गफ त्वतीम वकील न मखु जी

सिधा साधा जनता तय्त:
देश विकास याना बी धका
दिल्ली हाँकय् याना भाषण बिया
जनता भँग: लाईम नेता न मखु जी

त: भुखाय् ब्वया छें दुँ पी
जनता तय्त: पुन: निर्माण या लागि
आर्थिक सहयोग बी धका बचन बिया
थौं तक न मविइम: सरकार मखु जी

जी सु ख: जिं हे मस्यु नगाउँ
छि सु ख: छिं न स्यु थें मच्चं
थन सकसिन स्युगु छता जक दु
न्ह्यागु याना जुसा धेवा कमाय याय्गु

चाहे देश गाँ विकासया नामय्
चाहे टोल समाज सुधारया नामय्
चाहे बाल बृद्धबृद्धाया सेवाया नामय्
न्ह्यागु याना जुसा ना व दाँ मागु दु

पवित्र मनया ज्या गंगाजल थें जुई
हाकु थागु मनया ज्या
खिति थागु वस: थें जुई
थ्व नितौं ज्या जनताया मिखां खना च्वनी

कवि राम महर्जन
की.न.पा. १६,

नगाउँ

तपाईंको टोलमा भएका घटना कीर्तिपुरको समाचार
बनाउने हो भने तपाईं एक कल फोन गर्नुस् हामी तपाईंको
टोलको समाचार कीर्तिपुरको समाचार बनाईदिनेछौं

कीर्तिपुर सन्देश साप्ताहिक



कीर्तिपुरको चित्रण

किपुलिं पिदनाच्चंगु कीर्तिपुर सन्देश वा:पौ व ज्वज्वलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखं/हाइकू विज्ञापन
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७,
९८०८६२६४२० ई-मेल : kirtipur_sandesh@live.com

भी किपूमिं छन्ह थ:म्हं थ:त हे मी तिनि



रामकृष्ण महर्जन
सलिनै: किपू

भी किपूमीपिन्सं छन्ह थम्हं थत मितीनी
गब्लें नायछयोंचा मिल
गब्लें खोयल:फाँट मिल
ई.....यात म्हं मसिल
दां खना लयताल,
ईलं बितले दां ल्याय खाना,
गब्लें फोलेफाँट मिल
गब्लें ग:सी, गब्लें ट्यालफाट,
म्यू म्यू, म्यू म्यू
छन्ह भीसं थम्हं थत हे ला मम्यूला??
ईलं..., म पिल:
ध:पा नं मिल च्वबुं नं मिल
भी किपूमीत दां ल्या:खाना लयताल
ज:लाख:ला तय मोटर गलहं
गथेयानां गलले..?
हुकनं अजिमांख:ले या प्यपि बुं हं
गुम्हे सियां ईखबाले निपी बुं गलहं
म्यू म्यू मि म्यू: भीसं थम्हं थतहे ला मम्यूला??
गब्लें ज्वयलया फाँट मिया दां हल
गब्लें कारअ...फाँट मिया दां हल
ज:लाख:ला फुकसितं दां जक पो चिकल
अले,
भीगु थाय् बाय् तना वनं
गुगुं थाय् मैत्रिनगर सा गुगुं थाय् सितलनगर जुयावन
वा बाली छो बाली पायगु ख्य: तकं म्वा: ला वनं
अयनं हे भीसं वा मचासा छन्हू थम्हं थतहे ममिला??

बाखं दबूया न्हूधा: न्हूम्ह नाय: तिलक कायस्थ



नेपालभाषाया बाखं साहित्य ख्यलय् छगू ह्यूपा: हयेत ता:ला:गु
बाखं दबूया आइतवा: येंया च्वसापासाय् त:मुँज्या क्वचाल ।
दबूया नाय: लक्ष्मण राजवंशीया सभानायसुइ जूगु उगु त:मुँज्याय्
जिल्ला प्रशासन ज्याकुथिं नेवा: नां छुना: संघ संस्था चायेके मब्यूगु
खँयात कुँखिनेगु ज्या जूगु ख:सा आइतवा:या त:मुँज्यां हनेबह:म्ह
साहित्यकार तिलकप्रकाश कायस्थयात बाखं दबूया न्हूम्ह नाय:
कथं ल्य:गु दु ।
सर्वसम्मत कथं ल्यज्या जूगु न्हूगु ज्यासना पुचलय् त्वकू कथं
मथुरा साय्मयात ल्य:गु दुसा विजयरत्न असंबरेयात मूछ्याञ्जे
ल्य:गु दु ।
अथेहेतुं छ्याञ्जे समान्तयात ल्य:गु त:मुँज्यां दांभरी कथं विमला
शाक्ययात ल्य:गु दुसा दुजलय् विमलप्रभा वज्राचार्य, मीना वज्राचार्य,
शरद कसा:, राजीतबहादुर श्रेष्ठ, मोहिनी चित्रकार व दिव्या
ताम्राकारपिन्त ल्य:गु दु ।
बाखं दबूया संस्थापकपिं लक्ष्मण राजवंशी, प्रा. नर्मदेश्वर प्रधान,
राजा शाक्य, रीना बानिया तुलाधर व लोचनतारा तुलाधरपिन्त
बाखं दबूया सल्लाहकार कथं ल्य:गु दु ।

लहनां प्रेमध्वजयात हनीगु

लहना मिडियां गोल्डेन भ्वाइस
अफ नेपाल धका: म्हस्यूम्ह वरिष्ठ
म्येहालामि प्रेमध्वज प्रधानयात हनीगु
जूगु दु । येंय पत्रकार सम्मेलन याना:
लहना मिडियां थ्व हे वइगु पोहेलागा
आमै (माघ १४) शुक्रवा:या दिनय्
येंय 'यूएफओ भिन्तुना सनिल'
ज्याभव:या खसा: खया: वरिष्ठ
म्येहालामि प्रधानयात हनेगु धा:गु ख:
। प्रधानयात दोसल्लां न्ययेका: हनापौ
लिसें ५१,१११ तका राशिलिसें हनेगु



पत्रकार सम्मेलनय् जानकारी ब्यूगु ख: । पत्रकार सम्मेलनय् बिस्कं कथंया
सम्मान कथं कलाकारपिनिपाखें सांगितिक सम्मान नं देख्येगु धा:गु ख: ।
उकिया लिसें गोल्डेन भ्वाइस भाजु प्रधानं ज्याभवलय् म्ये नं हाला: त्यंकादीगु
धा:गु दु । भारतया सकिपा ख्य:या प्रतिष्ठित फिल्मफेयर अवार्डया न्हयक्व:गु
संस्करणय् भ्वाइस अफ नेपाल, प्रेम साहव नामं स्टेजय् आमन्त्रण जूगु
इंयात नं पत्रकार सम्मेलनय् लुमंकूगु ख: । लिसें उगु हे इलय् थ:त भारतय्
हे च्वनेत त:क्व: हे या:गु इनापयात छखे तया: मातृभूमि हे लिहांवया:
प्रधानं निरन्तर रुपं नेपाली संगीत ख्यलय् बियाचवनादीगु योगदानयात
च्वछसैं वयक:यात हनेत्यनागु धा:गु ख: ।
न्हूदं नेपाल सम्वत १९३७ या लसताय् यायेत्यंगु ज्याभवलय् लोकंका:पिं
कलाकारपिनिपाखें सांगितिक न्हयब्वया नं न्हयब्वइगु धा:गु दु । ज्याभवलय्
लोकंका:पिं म्येहालामिपिं भीम तुलाधर, ज्योति धिमिरे, जेम्स प्रधान, निशा
देसार, सुरजवीर वज्राचार्य, एन्जिला सिं, भुपेन्द्र वज्राचार्य, अन्जन श्रेष्ठ,
पंकज राजोपाध्याय, सुलिन्द्र शाक्यं म्ये लिसें आराध्यलक्ष्मी खड्गीं हुलाप्याखं
न्हयब्वयादीगु धा:गु दु । स्रष्टा व कलाकारया सम्मानया परम्पराया
निरन्तरता कथं हे थुगु ज्याभव: यायेत्यनागु खसा: खलकं धा:गु दु । लिसें
देयया न्हाय् तइपिं कलाकारपिनिगु सम्मान यायेमफूगु राज्यया नितिं
जनस्तरपाखें जुइगु थुकथंया सम्मानपाखें राज्यं नं सयेका कायेमा:गु
पत्रकार सम्मेलनय् धा:गु ख: । ज्याभव: वइगु पोहेलागा आमै (माघ १४)
शुक्रवा:या दिनस यें खुसिबुंया विनायक मल्लि भेन्सू न्हिनसिया ३:३०ता:
इलय् जुइगु जूगु दु ।

निर्वाण कामना

जन्म:

वि.सं.१९७५ गुरु पूर्णिमा



मदुम्ह धर्मकीर्ति महास्थवीर



मदुगु:

वि.सं.२०७३ पौष २६ गत

निन्त्यादं (२५वर्ष) प्रवजित जीवन हना: बिज्याम्ह नगांया अनागारिका खेमा (प्रज्ञा)या बाज्या व बुद्ध शरण
महर्जनया अबु श्रद्धेय **भिक्षु धर्मकीर्ति महास्थवीर** ९८ दँय् वंगु पौष २६ गते मदुगु थौं भिस्वन्हुया
पुण्यतिथिसं वय्क:या सुखावति भुवनय बास लायमा धका: कामना यासैं दु:खंक:पिं सकल छेंज:पिन्सं मन
चिइफयमा धका: बिचा: हायका च्वना ।

नगां ज्ञानमाला भजन खल: परिवार
नगां